

Draft- Termat e References për

Komitetin Ndërsektorial të Menaxhimit të Kimikateve (KNMK) në Shqipëri.

Hyrje

1. Menaxhimi i kimikateve ka një shtrirje shumë të gjerë, duke përfshirë të gjitha kimikatet gjatë ciklit jetësor të tyre. Kjo shtrirje e gjerë e saj kushtëzon natyrën multisektoriale të menaxhimit të kimikateve. Me qëllim arritjen e një përqasjeje të integruar ndaj menaxhimit të kimikateve në nivel kombëtar, është e rëndësishme ngritja e një mekanizmi koordinues përmes së cilit sektorë dhe aktorë të ndryshëm mund të shkëmbejnë informacionin dhe mund të koordinojnë aktivitetet e tyre.
2. Qëllimi i mekanizmit koordinues ndërsektorial të menaxhimit të kimikateve është të rrisë kooperimin dhe të mundësojë koordinimin e aktiviteteve të lidhura me menaxhimin e kimikateve ndërmjet ministrive, departamenteve si dhe partnerëve të tjerë me qëllim që të mbrojnë shëndetin e njeriut dhe mjedisin dhe të lehtësojnë menaxhimin e qëndrueshëm të kimikateve.
3. Termat e propozuara të Referencës për mekanizmin koordinues ndërsektorial për menaxhimin e kimikateve synojnë të sigurojnë që ky organ të jetë funksional dhe të luajë rolin e tij koordinues si dhe aktorët e ndryshëm të jenë të përfaqësuar në mënyrë sa më të përshtatshme.

Titulli i mekanizmit ndërsektorial për menaxhimin e kimikateve.

4. Mekanizmi koordinues ndërsektorial për menaxhimin e kimikateve do të quhet Komiteti Kombëtar Ndërsektorial për Menaxhimin e Kimikateve (KNMK).

Mandati dhe statusi i KNMK-së.

5. Mandati i komitetit do të jetë të lehtësojë dialogun e politikave; harmonizimin e mandateve si dhe, kur kërkohet nga palët e përfshira, edhe zgjidhjen e konflikteve ndërinsticionale për mandatet, rolet dhe funksionet; dhe lehtësimin e bashkëpunimit ndërmjet ministrive dhe agjensive të ndryshme me detyrimet e tyre statutore.
6. KNMK do të veprojë si një forum këshillues për politika dhe koordinim në vendimmarrje, për këmbimin e informacionit dhe kontrollin e ndërsjellë, pa asnjë mandat për vendimmarrje të detyrueshme.

Ministritë, agjensitë dhe pjesmarrës të tjerë

7. KNMK do të përbëhet nga anëtarë në dy nivele të ndryshëm anëtarësimi: anëtarët me të drejta të plota, që do të jenë ministritë, si dhe anëtarë me të drejta të pjesshme, siç mund të jenë agjensitë, OJQ-të, sindikatat etj.
8. Ministritë dhe agjensitë e renditura më poshtë përbëjnë nënshkruarit origjinalë të TR për KNMK-në, i cili është i hapur ndaj pjesëmarrjes të institucioneve të tjera.

Anëtarësia e plotë

- Ministria e Mjedisit , Pyjeve dhe Administrimit te Ujrave.

- Ministria e Shëndetësisë;
- Ministria e Bujqësisë, Ushqimit dhe Mbrojtjes së Konsumatorit;
- Ministria e Punës, Çështjeve Sociale dhe Shanseve të Barabarta
- Ministria e Ekonomisë, Tregëtisë dhe Energjitikës
- Ministria e Punëve Publike dhe Transportit;
- Ministria e Qeverisjes Vendore dhe Decentralizimit.
- Ministria e Financave;
- Ministria e Edukimit dhe Shkencës;
- Ministria e Punëve të jashtme
- Ministria e Drejtësisë

Anëtarësia e Pjesshme

- Instituti i Shëndetit Publik
- Agjensia e Mjedisit dhe Pyjeve
- Instituti i Sigurisë Ushqimore dhe Veterinarisë
- Qendra e kontrollit të barnave
- Autoriteti Shtetror për Kontrollin e Eksporteve
- Qendra Spitalore për Toksikologjinë
- Universiteti i Tiranës, Fakulteti i Shkencave të Natyrës
- Universiteti Bujqësor i Tiranës, Departamenti i Mbrojtjes së Bimëve
- OJQ-Menaxhimi i Kimikateve dhe Mbetjeve
- REC-Albania Qendra Rajonale Mjedisore Shqipëri
- OJQ – Ekomjedisi Durrës

Rolet e KNMK

9. Mekanizimi I koordinimit ndërsektorial do të lehtësojë bashkpunimin ndërmjet ministrive, departamenteve dhe agjensive të cilat kanë një mandat për menaxhimin e kimikateve. Për më tepër do të sigurojë një forum dhe një mekanizëm për koordinimin e funksioneve të ministrive, departamenteve dhe agjensive që janë të lidhura me menaxhimin e kimikateve si dhe organizatat jo-qeveritare siç është rënë dakort në Strategjinë e Përgjithshme të Politikave të SAICM dhe në Planin Global të Veprimtarive.
10. Mekanizmi i koordinimit ndërsektorial, kur do të kërkohet nga palët do adresojë çështje të mbivendosjes, dublikimeve dhe konflikteve të mundshme ndërmjet ministrive të cilat kanë një mandat për menaxhimin e kimikateve, të cilat ngrejne pyetje mbi politikat e përdorura si dhe zgjidhja e të cilave kërkon domosdoshmërisht ndryshim të ligjeve të lidhura me menaxhimin e kimikateve dhe plehrave të rrezikshme.
11. Një funksion tjetër kryesor I mekanizmit ndërsektorial është promovimi dhe krijimi I një forumi për dialogjet mbi politikat midis ministrive të ndryshme, agjensive dhe aktorëve (palëve) jo-shtetërore për identifikimin e boshllëqeve në politikat dhe kuadrin ligjor, burimeve të papërshtatshme njerëzore, teknike dhe financiare; nivelit të ulët të sensibilizimit midis aktorëve kryesorë në lidhje me rreziqet që vijnë nga menaxhimi I dobët I kimikateve dhe I plehrave të dëmshme.
12. Mekanizmi I koordinimit ndërsektorial do të shërbejë si një rrjet për shkëmbimin e informacionit ndërmjet anëtarëve të mekanizmit. Aktualisht, mandatet ministrore janë të një karakteri sektorial dhe ka një shkëmbim horizontal të kufizuar të informacionit. Shkëmbimi I të dhënave është gjithashtu I kufizuar për shkak të praktikës së ruajtjes së sekretit shtetëror. Mekanizmi I koordinimit ndërsektorial do të identifikojë kategoritë e të

dhënave, shkëmbimi i pakufizuar i të cilave ndërmjet anëtarëve të mekanizmit duhet të inkurajohet, dhe kategori të tjera të dhënash mund të kufizohen për të ruajtur të drejtën e fshehtësisë ose të mundësohen vetëm me një kosto për përdoruesit.

13. Mekanizmi i koordinimit ndërsektorial do të shërbejë si një forum për konsultimin mes agjensive qeveritare dhe jo-qeveritare për veprime të propozuara nga një agjensi e mandatuar në lidhje me aplikimin për regjistrimin dhe lejeve për importin, eksportin, prodhimin, përdorimin dhe ruajtjen e kimikateve dhe pesticideve.
14. Nëpërmjet mekanizmit të koordinimit ndërsektorial mund të inkurajohet dhe lehtësohet shtimi i vlerave nëpërmjet pasurimit të procesit të vendim-marrjes me kontributet nga anëtarët e mekanizmit, të cilët do të përfshijnë ekspertët mbi çështjet e menaxhimit të kimikateve. Lidhja në rrjet e inkurajuar nga ky mekanizëm do të lehtësojë gjithashtu identifikimin e ekspertëve (kombëtarë dhe ndërkombëtarë) të cilët do të kontribuojnë dhe do të shtojnë vlerat e procesit vendimmarrës. Në të vërtetë praktika mund të inkurajohet në mënyrë të tillë që përpara se të ndërmerren vendime të politikave të rëndësishme dhe përpara se të jepen lejet në lidhje me disa aplikime kyçe, duhet të konsultohet dhe të merret inputi i mekanizmit për koordinimin ndërsektorial .
15. Mekanizmi koordinues ndërsektorial mund të jetë një ndërmjetës midis ministrive të ndryshme dhe agjensive dhe të lehtësojë zgjidhjen e konflikteve që mund të dalin nga jo-konformiteti i agjensive qeveritare. Komiteti do të sigurojë mekanizmat për të lehtësuar zgjidhjen, pa u dashur të përdoren masa shtrënguese , për shembull me anë të krahasimit të praktikave më të mira, të mekanizmave të rishikimit dhe të dialogut të brendshëm për të ndihmuar zgjidhjen.
16. Mekanizmi koordinues ndërsektorial do të promovojë sinergji në zbatimin e marrveshjeve ndërkombëtare mbi kimikatet.

Çështje organizative dhe operacionale

17. Ministria e Mjedisit, Pyjeve dhe Menaxhimit të Ujrave do të shërbejë si sekretariat për funksionet e KNMK pavarësisht çështjes së shqyrtuar.
18. Ministrinë/agjensinë anëtare do të emërojnë formalisht përfaqësuesit e tyre në KNMK me kërkesë nga Ministria e Mjedisit apo në mënyrë vullnetare. Emërimet dërgohen në sekretariatit e KNMK-së.
19. Sekretariati planifikon, koordinon dhe monitoron të gjitha aktivitetet e lidhura me KNMK-në duke përfshirë shpërndarjen e programit, pjesëmarrjen në takime, përgatitjen e përmbledhjeve të takimeve dhe raportimi i rekomandimeve. Sekretariati është përgjegjës për shpërndarjen e programit të gjithë anëtarëve në kohën e duhur përpara çdo takimi.
20. Sekretariati raporton brenda 4 javësh rezultatet dhe rekomandimet për çdo takim të KNMK-së, në varësi të nivelit të takimit.
21. Bordi do të vendosë për nivelin e mbledhjes që do të bëhet, me pjesëmarrjen e anëtarëve të plotë ose me pjesëmarrjen e të gjithë anëtarëve, duke u bazuar në programin e propozuar të takimit.
22. Mbledhja e Komitetit do të kryesohet nga ajo ministri, të cilës i përket mandati i çështjes për të cilën mbledhet komiteti. Kryetari do të veprojë si i tillë derisa të zgjidhet kryetari i ri në mbledhjen e ardhshme të KNMK-së.
23. Rekomandimet e takimit do të vendosen me konsensus atje ku një gjë e tillë është e mundur. Në atë rast kur konsensusi nuk është i mundur, rekomandimet do të bëhen me një shumicë të thjeshtë votash të anëtarëve me të drejta të plota. Në rast balotazhi, personi që ushtron funksionin e kryetarit do të ketë të drejtën e një vote të dytë.

24. KNMK-ja mund të vendosë (me konsensus apo me një shumicë votash) të kërkojë palët të cilët nuk janë anëtarë të komitetit të marrin pjesë në mbledhje, me qëllim që ata t'i japin KNMK-së informacion të rëndësishëm, material apo njohuri.
25. Për çështje teknike specifike mund të krijohen grupe pune *ad hoc* me vendim të Komitetit. Sekretariati i KNMK-së do të luajë funksionet e sekretariatit për të gjitha grupet e punës.
26. Mbledhjet e komitetit do të mbahen në mënyrë periodike, në çdo rast, jo më pak se një herë në 6 muaj. Sekretariati mundet të organizojë një takim të KNMK-së kur bien në konsensus të paktën tre nga anëtarët e KNMK-së, që një takim i tillë është i nevojshëm.
27. Asnjë anëtar i KNMK-së nuk mundet të marrë pjesë në një diskutim kur një gjë e tillë mundet të shkaktojë konflikt interesi.

Konsiderata financiare

28. KNMK-ja kujdeset për vendin e takimeve si dhe pjesë të tjera logjistike për takimet e KNMK-së. Pjesëmarrja në takime bëhet me shpenzimet e anëtarëve të tij.

Miratimi

29. KNMK funksionon bazuar në **Vendim të Këshillit të Ministrave i cili do të rrjedhë nga Ligji i Kimikateve(për tu rishikuar në 2012).**